

## SAKSUTGREIING

Aurland fjellstyre

Møtedato: 16.11.21

Stad: Fjordsenteret

### Sak 31/21

**Søknad frå jaktlag i Nordheimsdalen om å få redusert pris på felte bukkar grunna låge vekter.**

#### Saksopplysning:

Jaktlaget felte mellom anna 2 vaksne bukkar, ein 6 taggar på 60 kg. og ein 13 taggar på 66 kg. For desse bukkane må dei i fylgje kontrakten betale for ei gjennomsnittsvekt på 77 kg. Aurland fjellstyre har operert med gjennomsnittsvecter i kontraktane i Nordheimsdalen, fordi det er for utfordrande å få jegrane til å møta på vegestasjon innan rimeleg tid. Gjennomsnittsvektene i Nordheimsdalen vart justert ned i 2016 på vaksne bukkar, spissbukkar og 1,5 års koller. Det kan verke som vekt nedgangen held fram, men også i år vart det felt ein bukk på 96 kg i øvre felt tidleg i jakta.

#### Saksutgreiing:

Her er gjennomsnittsvektene dei siste 6 åra, utskrift frå Hjorteviltregisteret. Manglar data frå 2018 har prøvt å finna ut kvifor men foreløpig veit eg ikkje.

Jak	Hannkalv	Hunnkalv	Bukk 1 ½	Kolle 1 ½	Bukk 2 ½ år og eldre	Kolle 2 ½ år og eldre	Registrert i Hjorteviltregisteret					
Gjennomsnitt	Antall	Gjennomsnitt	Antall	Gjennomsnitt	Antall	Gjennomsnitt	Antall					
-16	19	1	0	44	3	39	1	77	3	58,75	4	12
-17		0	0	44	2	41	2	77	2	66	1	6
-18		0	0	0	0	0	0	0	0	0	0	0
-19	29	1	0	47	1	45	3	77	5	63	3	13
-20		0	25	1	0	0	0	70	7	60	1	9
-21	25	2	25	1	50	3		72	5	60	3	14 pr. 10/11

Det er nok ikkje alle tala her som er heilt korrekte men det er ein peikepinn. Me må og ta med oss att bukkane misser ein del vekt utover i jakta. Brunstperioden tek på og jaktlaget som klagar no, jakta berre dei siste 10 dagane i oktober.

I Aurland feller me mykje hjort og mykje hanndyr og det vil gå ut over vektene fordi jegrane har lett for å ta dei store bukkane, det kan og vera med å forklare vekt nedgangen. Når eg ser på gjennomsnittsvektene i heile Aurland har dei gått ned frå 85 til 82 kg dei siste 6 åra. Det kan og verke som det dårlegare vekter når me nærmar oss Frønningen. Me bør nok ta ei ny justering av gjennomsnittsvektene, før me går inn i ein ny leigeperiode med jaktfelt 1. Jaktlaget som har leigd jaktfelt 1 nede ved fjorden dei 2 siste åra skreiv under leigeavtale i fjor, der godtok dei kva reglar som gjeld for jakta. Aurland fjellstyre ynskjer vidareføre ordninga med gjennomsnittsvecter fordi valdet er så avsides. Det vil vera utfordrande å møta opp på vegestasjon innan rimleg tid.

